


成案質疑

倉庫二

卷七ノ二




九二四八	漢書門
七五〇八	
冊架函號類	

九二四八	漢書
七五〇八	
冊架函號類	

政書 十一ノ二

十五

內閣文庫		
番號	漢	9248
冊數	75 ( 15 )	
函號	296	100





虛山通關硃鈔

年終盤查出結

虛山通關硃鈔

康熙三十年十月吏部議安撫江 疏定遠縣革職知縣曲震任內  
驛站等銀錢穀虛懸無着該府於四月內已出有並無虧空印結呈  
送所有鳳陽府知府丁克懋捏飾徇混實所難辭查定例司庫交代  
錢糧時有侵欺虧欠等弊將隱匿不叅之該督撫革職又每年終令  
知府將各州縣經征帶征錢糧吊取比冊詳查倘有徵多報少虧空  
情弊立行申報藩司巡撫徇匿不舉出事發將知府亦照此例處分  
等語該撫既稱革職知縣曲震虛懸節年驛站銀錢穀石知府丁克  
懋已出有並無虧空印結應將丁克懋照此例革職奉

旨依議

文宗

卷二 倉庫

虛山通關硃鈔



知府交盤遲延叅守道

康熙五十年八月吏部議江撫張 題查定例官員任內有經營未完錢糧盜案不于兩月內查明呈報上司或不卽交署官違例遲延及署官新官推諉不接者俱各罰俸一年上司督催不力俱各罰俸六個月等語應將交代遲延鎮江府馮廷棠署鎮江府印揚州府同知葉于喬均各罰俸一年督催不力江甯鎮道馬國正罰俸六個月奉

旨依議

前任未完銀兩已經督撫保題承追官應免扣限叅追

雍正十一年七月刑部咨准吏部咨稱署江省石埭縣革令王楫并署東流縣故令楊枚未完雍正三年以後錢糧經江督等清查告竣結報原籍任所兩地無可着追經本部行令會同兩省督撫加結保題到日再議在案所有承追各員自應以保題議准之日免其扣限叅追相應知照等因前來相應知照江督可也



交盤虧缺折收財物

雍正八年 月部議覆陝督查 題臨潼縣縣丞邵龍文于署水壽  
縣任內違例收原令周之彝折抵倉糧之驟馬衣服等物一案邵龍  
文照監守不收本色折收財物虛出硃鈔者以監守自恣論衣服等  
物入官其虧折倉穀照例先在邵龍文名下勒限一年追賠如限內  
全無完補及完不足數再照原虧之數着落狗隱不報之署乾州事  
體泉縣知縣唐秉剛分賠一半



遺例折征

雍正九年十月刑部議得叅革原署高明縣知縣于率誠違例折征色米一案據廣撫鄂疏稱審據于率誠供稱奉委署事接征雍正七年分糧米原要征收本色因高明縣山路崎嶇挑運維艱里民呈懇折征以便輪納時值奏銷期迫催解嚴切暫從民便征收折色每石收銀一兩二錢俱係百姓情愿自封投櫃彙繳家人劉大總吏蘇元領賚赴省買米上倉每石費脚價銀八錢八分實剩銀二錢二分計征雍正七年分糧米九百二十一石共收銀一千一百零五兩二錢除照買米上倉支去脚價外尚實剩銀二百九十四兩七錢二分緣雍正七年尚有民欠未完九百三十六石四斗五升三合六勺千率誠恐碍考成隨將前項折征支剩米價並支出養廉銀兩湊同貯米墊解民欠奏報全完並無入已有批回存卷及民欠數目可查等



語看之家人劉大總吏蘇元等各供相符將于率誠依因公科歛不入已律擬徒援免等因其題應如該督所題于率誠依有司官吏因公科歛所屬財物不入已坐贓論折半科罪一百兩以上杖六十徒一年律應杖六十徒一年又定例官員先叅婪贓革職提問審無婪贓止擬坐贓致罪者除革職外其徒杖等罪折贖俱免等語于率誠多收米價容無入已應照例徒杖等罪折贖俱免奉

口依議

違例折征

雍正十三年十二月刑部會看得曲江縣叅革知縣吳宜違例折征色米及失察家人書役加收勒索一案據廣撫楊 疏稱原叅吳宜徵收本色糧米任用衙役詹勝等串通米戶違例折收每石收制錢一千五百五十文在宅門交錢一千五百文該役等得錢五十文米價時值紋銀一兩合錢一千文額外浮收入已一欸訊據吳宜供稱到任以後一切糧米俱係徵收本色並無折徵雍正十一年分色米尚未徵完九百四十九石零奉文催解雍正十三年三月初旬票差鄧隆詹勝分催欠戶完納隨據該役等回稟遠鄉零星欠戶有稱陰雨連綿挑運艱難情愿折錢完納吳宜卽着倉房典吏魏正傳與原差舖戶每石暫照收錢一千五百文陸續交宅門家人賈鐘彙繳自雍正十三年三月初七日起至四月二十八日糾叅止共折收米二



百一十四石九斗五升四合計收錢三百二十二千四百三十一文  
除買米還倉每石價錢一千文并每石加耗一斗六升共用去錢二  
百四十九千三百四十六文計共剩錢七十三千零八十五文俱已  
先後發修縣堂及書辦科房牆壁瓦楹之用吳宣並未入已等語實  
之倉吏魏正等各供相符卽訊之差役鄧隆宅門家人賈鐘米舖等  
亦各供認因吳宣折徵色米賈鐘每石索錢二十文鄧隆詹勝與倉  
吏魏正米舖鄧瑞各取錢十文每石共折收錢一千五百五十文除  
每石繳吳宣一千五百文該役等計共得錢一十千零七百四十八  
文私自瓜分不諱吳宣並未知覺此款吳宣雖無入已而違例折徵  
浮收錢文及失察家人衙役加收分肥是實又原叅吳宣徵收地丁  
錢糧除正耗外每錢糧一兩在城鄉紳加收二分在鄉紳衿加收六  
分民戶加收一錢名爲工資催糧差役與家人烹分一欸據吳宣堅  
供歷年錢糧俱止徵收正耗並無額外加收惟雍正十一年分錢糧  
尚未完銀七百九十兩零雍正十三年三月初三日票差鄧隆李華  
詹勝分催城鄉欠戶完納該役等私向欠戶索取工資以供米飯吳  
宣並不知情等語訊據差役鄧隆供稱差催錢糧因無米飯盤費與  
李華詹勝商量向糧戶索取工資銀十兩原說在城紳衿每戶索銀  
二分民戶索銀六分在鄉紳衿每戶索銀六分民戶索銀一錢內有  
交與未交及交不足數并欠戶銀數少者並不交給亦有未經催到  
糧戶先已完納不能索取者俱係隨交隨收並無強勒鄧隆承催在  
鄉紳欠二十戶民欠一百九十戶共收工資銀一十五兩一錢五分  
李華承催在城紳欠八戶民欠一百七十戶共收工資銀九兩三錢  
六分詹勝承催在鄉一十七都共得工資銀一十二兩因宅門家人  
聞知向問鄧隆等恐其稟官遂各送銀二兩餘銀各自入已並非吳



宣加收該役等亦非按照納戶銀數每兩加收等語訊之家人賈鐘等亦自認收受鄧隆等銀六兩不諱至原叅武生蔡元休被責一節訊據蔡元勳供稱因蔡元休名下未完錢糧銀一兩六錢李華到家催納索取工資蔡元休不給致相爭論蔡元勳在旁斥詈聲言稟縣李華畏罪先以蔡元勳兄弟抗糧毆差捏稟喚訊不行察究止以蔡元休欠糧將蔡元休折責五板等語質之吳宣供認無異此款吳宣徵收錢糧雖無額外加收而失察差役需索家人分肥及聽從李華捏稟擅責生員均難辭咎吳宣除失察家人衙役犯贓擅責生員及折米多收錢七十三千零八十五文發修縣堂科房墻壁瓦楹用去並未入已應照坐贓論折半科罪三十兩笞五十各輕罪不議外將吳宣擬以杖笞等因具題除差役李華詹勝病故不議外應如該撫所題吳宣合依違制律杖一百已於本案革職照例折贖俱免該撫

既稱賈鐘加收折米錢四千二百九十九文又索取差役李華等銀六兩合依監臨官吏家人求索所部內財物計贓准不枉法論各主者折半科罪一兩至一十兩杖七十減本官罪二等笞五十遇熱審照例寬免倉房典吏魏正加收折米錢二千一百五十文合依官吏求索所部內財物計贓准不枉法論各主者折半科罪一兩之上杖七十無祿人減一等杖六十遇熱審又減一等笞五十折責二十板革去典吏差役鄧隆加收折米錢一千一百五十九文又索取工資銀一十五兩一錢五分除賈鐘索去銀二兩外尚銀一十三兩一錢五分係在官人役求索取財合依枉法贓一十兩杖九十無祿人減一等杖八十遇熱審又減一等杖七十折責二十五板仍革役米舖鄧瑞得錢四百二十六文林崑得錢四百九十四文均合依豪強之人求索財物計贓准不枉法論各主者折半科罪一兩以下杖六十



無祿入減一等筭五十遇熟審照例寬免俱經照例先行折責發落等語均無庸議吳宣所得折米錢文及賈鐘所得賍銀賍錢均於吳宣等各名下照追入官病故之李華詹勝所得賍銀應向李華等各家屬名下照追入官奉

旨依議

徵糧私收折色

雍正十三年八月刑部議覆廣撫楊 疏稱翁源縣叅革知縣趙方謙徵收糧米勒令折色每石折收制錢一千五百文除買回本色米石外餘價侵收入已之處訊據趙方謙供稱縣屬巖頭上莊貴塘英村四舖離城寫遠運米艱難諭令每米一石折收錢一千三百文並無折收錢一千五百文共折收過米五十石計收錢六十五千文除買米還倉每石該錢八百文加耗一斗六升該錢一百二十文共用去錢四十六千四百文尚剩錢一十八千六百文貯庫因值常平倉後墻倒塌即將錢修理並未入已等語訊之倉吏林上達供吐相符趙方謙多收米價錢雖未入已但違例折徵亦難辭咎趙方謙除折收米價並不入已輕罪不議外其徵收糧米違例折征合照違

制律擬杖等因具題趙方謙違例折徵糧米合依違



制律杖一百但已于本案革職應照例折贖俱免其違例折徵多收米價  
錢文照追入官林上達聽從本官折征不行稟阻應照不應重律杖  
八十已據該撫折責革役應毋庸議奉

旨依議

折徵南米多收耗銀

雍正八年 月刑部議覆臨湘縣參革知縣沈采縱令革役復充又  
南米折色加耗濫徵一案據湖撫趙 疏稱沈采縱容革役復充之  
處據沈采供稱臨湘斗級止有朱希倫王拜即王維周方瑞隆四名  
因朱希倫不遵約束擅取花戶地盤餘米二升富即祭出責革柳示  
復因上米人多擁擠召募無人復用朱希倫相幫抬斛是實即質之  
斗級朱希倫亦供認不諱沈采徵收南折較徵地丁加一耗之外又  
重二三分不等共多收銀一百六十餘兩之處據沈采供稱南折原  
從地丁銀內按額派數另櫃徵收花戶自封投櫃厘毫零尾俱作分  
數交納積封合算照正銀一兩實多有一二三分不等多收之銀已  
封在庫等語質之櫃書李培楷亦稱實未經稟阻等語將沈采擬杖  
但多收之銀現貯在庫應照例免罪朱希倫擬徒李培楷擬杖等因



具題應如該撫所題沈采合依有司官吏擅自科歛所屬財物不入已者折半科罪八十兩杖一百律杖一百但多收之銀現貯在庫應照限內完贓例免罪再該撫既稱沈采復用已革衙役之處已於本案革職無庸議等語其斗級朱希倫擅取花戶餘米已經責革又違例復入應役應照衙門書辦退役之後更名重役例徒三年至配所杖一百折責四十板不行稟阻之櫃書李培楷應照不應重律杖八十折責發落其沈采多收耗銀一百六十二兩六錢二分併朱希倫所掃米二升零均照追入官奉

旨依議

折收錢銅短價

康熙四十八年 月刑部議覆東明縣叅革知縣張鼎梅濫徵侵肥一案據直撫趙弘燮疏稱緣康熙四十六年錢糧奉

旨折收錢銅東明縣知縣張鼎梅每收錢一斤槩作價銀六分較之部議八分一斤之價每斤虧短銀二分又每斤好錢止需一百六十文今收至一百八九十文則每斤多收錢二三十文共收過錢銅五千一百五斤二兩每斤短價銀二分并每斤多收錢二三十文作銀一分五厘共計銀一百七十八兩六錢七分五厘總書吳瑾又假解銅車價名色私收加派納戶完銀一錢收雜費銀三分二分不等共收銀四百二兩三錢歷審不諱但錢銅尚未起解贓未入已將張鼎梅等擬以徒杖具題前來應如所題張鼎梅應比照多收稅糧斛面以餘糧坐贓論八十兩杖一百律杖一百已干本案革職照例免罪總書



吳瑾合依官吏人等因公科歛雖未入已贓重者坐贓論無祿人減  
一等杖六十徒一年律徒一年至配所折責二十板張鼎梅多收錢  
合銀七十六兩五錢零并吳瑾加收雜費銀四百二兩三錢各照追  
入官原錢解部奏銷奉

旨知道了

經承私收漕米

康熙四十九年 月刑部會看得丹徒縣革職知縣陳敦虧空錢糧  
一案緣康熙四十一二三四五等年地丁蘆課銀一萬二千五百五  
十三兩三錢七分零米三千四百一十五石五斗八升零因民間完  
納零星散碎錢糧分發銀匠傾銷并溢發俸工未經交完以致上司  
查出揭報虧空貯倉米石因年久霉爛其漕米三百九石零係經承  
張友信私收入已除叅後陳敦完銀一千三百五十九兩六錢一分  
零米三百一十二石三斗九升外未完銀兩應追各年民欠抵補未  
完米石應俟照例撥補將陳敦免議張友信擬以徒罪具題臣部恐  
有侵蝕情弊駁令該督詳審去後今據該督疏稱陳敦溢發俸工銀  
六百六十二兩四錢九分係陳敦朦混重給原非那移其發銀匠傾  
銷地丁銀一萬三千二百三十一兩叅後始據全完緣伊未經聲明



以致書吏賈廷蘭任意增減于奏銷冊內作續完民欠無涉又蘆課銀一千三百五十九兩六錢七分零係起解在先因無批迴以致報叅虧空霉爛倉米雖未報明寔緣地土潮濕張友信私收漕糧陳敦已經察出詳究原無失察陳敦虧空銀兩已經全完委無侵那情弊仍將陳敦免議友信廷蘭沈貴等擬以徒杖分別援

赦其題前來除陳敦並無侵那情弊不議外張友信比照倉庫收受錢糧虛出通關計賍以監守自盜論四十兩斬係雜犯准徒五年至配所杖一百折責四十板預支工食之沈貴戴吉等事犯在


恩赦以前均應免罪仍革役已完銀兩彙行解部已完米石報明戶部未完米石照數撥補再該撫疏稱民欠有接征官印結應令該督咨明戶部于各該奏銷冊內查核奉

旨依議

報完不准向民追取

康熙四十一年九月刑部覆福撫梅 疏原任順昌縣革職知縣孫尚有民欠未完地丁銀八百七十一兩二錢已據現任知縣出結認征前來查節年民欠銀米孫 俱已起解報完不便仍為民欠向民追取應行令該撫將此項銀米著落孫 名下作速照數追完還項報部奉

旨依議





捏報全完擬罪

康熙三十年五月刑部議甘撫伊 疏泰州革職知州趙世德虧空  
 銀糧那移之咎難寬等因查趙世德虧空銀糧除那移耗爛等輕罪  
 不議外其將節年民欠糧八千七百一十三石零捏報全完依凡收  
 管官錢糧原數不足監臨主守虛出通關以監守自盜論四十兩斬  
 係雜犯准徒五年律應徒五年另案革職卹例折贖其虧空銀兩草  
 束俱令接任追征還項報部奉

旨依議

錢糧捏報起解

康熙二十八年七月吏部議覆江撫洪之傑疏稱崑山縣減存麥折  
 銀兩捏報解淮崑山縣知縣杭允佳轉詳之蘇州府胡世威應交部  
 議應將胡世威照例降二級調用其從前具題之巡撫職名應令該  
 撫查明具題到日再議奉

旨依議



雜職交盤

康熙四十七年五月吏部議東撫范 疏海豐縣石橋場蓋課司大  
使傅相陞任永平縣典史任內有無未完案卷兩月之限已滿將署  
事本縣典史屈鳴鳳題叅等因前來除屈鳴鳳已經別案革職無庸  
議外應將陞任典史傅相照例罰俸一年督催不力署海豐縣事長  
樂知縣毋儀罰俸六個月奉

旨依議



附餘錢糧私下補數

庫有盈餘銀兩

康熙四十五年戶部議湖撫劉 疏湖北康熙四十四年咸寧縣盈  
餘銀一百五兩黃安縣盈餘銀一百三兩與議敘之例相符相應題  
明議敘查康熙四十四年五月內九卿會議比州縣倉庫錢糧米石  
年終盤察有盈餘銀一百兩者紀錄一次二百兩者紀錄二次三百  
兩者紀錄三次四百兩者加一級等因具題奉  
旨依議欽遵在案相應將咸寧縣知縣盧熊黃安縣知縣何錫祿等各准  
其紀錄一次其盈餘銀兩解貯司庫候文撥餉奉  
旨依議



冒銷老婦銀兩

雍正六年十月刑部議覆川陝總督岳 題膚施縣知縣馬鎰等冒  
 銷老民老婦銀兩一案查老民老婦冊籍杜琅等雖供係經承李朝  
 宰查造今李朝宰已經病故無可對質則此項冊籍杜琅徐珩不無  
 捏造情弊馬鎰到任並不核查確實輒照冊領銀其散剩銀兩雖稱  
 修葺倉房一時那用贓非入已但未經詳明擅自動用其侵冒之罪  
 寔所難辭至存剩銀五百三十九兩三錢三分五釐今已照數通完  
 解貯司庫且奉到自首免罪之

旨即自閩省赴陝投首雖在揭發之後但隔省遙遠遲延有因其加倍治  
 罪處應請邀免外馬鎰應依律擬徒再查定例著落罪人追賠贓銀  
 等項限一年果能全數通完軍流徒杖等犯俱免罪等語今馬鎰冒  
 銷散剩銀五百三十九兩三錢三分五厘以照數通完解交司庫應



補救

照例免罪其杜琅已在山東原籍首明且並無冒銷之贓其加倍治罪之處亦應請從寬邀免外杜琅應依律笞五十但杜琅已經別案革職此案審無冒銷之贓應照律折贖捏造老婦冊籍之徐珩應依律擬笞五十但徐珩並未遵

旨自首應加倍治罪杖一百查徐珩尚有安塞縣本任并署保安縣任內冒銷之案未經審結應於彼案審明從重歸結經承李朝宰已經病故應毋庸議馬鎡交貯司庫銀兩候撥充餉等因具題除經承李朝宰先經病故不議外應如該督所題馬鎡合依監臨主守將附餘錢糧私下銷補別項虧折之數瞞官作弊者計贓以監守自盜論四十兩斬係雜犯准徒五年律徒五年但馬鎡冒銷散剩銀五百三十九兩三錢三分五厘已經照數通完解交司庫應照例免罪杜琅合依用計詐欺官私取財者計贓准竊盜論已行而不得財笞五十律笞

五十但杜琅已經別案革職此案審無冒銷之贓應照律折贖徐珩合依 詐欺官私取財計贓准竊盜論已行而不得財笞五十律笞五十但徐珩並未遵

旨自首應加倍治罪杖一百查徐珩尚有安塞縣本任並署保安縣任內冒銷之案未經審結應俟彼案審明從重歸結馬鎡解貯司庫銀五百三十九兩三錢三分零行令該督報明戶部奉

旨依議




康熙四十二年二月刑部議岷州衛革職守備潘 虧空倉糧查潘  
因岷地荒歉將存倉糧七百八十四石零私借給屯民又將征收  
糧六百二十四石零那給支兵以致虧空川督將潘 依那移出納  
還充官用律擬徒四年與律不符合改依凡監臨主守將官糧私借  
與人者計贓以監守自盜論四十兩斬係褫職准徒五年律徒五年  
年逾七十照律收贖私借那移糧石並未詳明上司應着潘 照數  
追完奉  
旨依議

私借錢糧

官糧私借與人

旨依議





官錢糧轉借與人照例擬斬

康熙二十一年八月刑部議晉撫王 疏大同右衛革職守備周  
任內短少倉糧豆穀七千三百六石一斗係民欠民借周 止侵穀  
一十五石零等因臣部以周 如果將穀借與王鳳等豈不申報上  
司若係民欠何不預先題叅行合該撫再審今該撫稱周 供倉糧  
委係民欠那借并不准開銷豆數有印冊借領為據即質之柴應斗  
等借欠是實周 侵蝕倉糧實止一十五石有奇應依監守自盜四  
十兩律擬斬雜犯准徒柴應斗

赦前後宥柴應斗貢生應否免革聽部奪等因查周元將倉穀借與王鳳  
等六百三十石零柴應斗等九百七十八石零折銀五百餘兩查律文  
內凡監臨主守將係官錢糧等物轉借與人雖有文字並計賍以監  
守自盜論等語周元應改照監守自盜倉庫錢糧三百兩以上擬斬



例擬斬監候秋後處決柴應斗借穀折銀一百二十兩張昌繼借穀折銀一百八兩俱改依凡非監守之人借者以常人盜倉庫錢糧論至八十兩擬絞係雜犯准徒五年律柴應斗張昌繼准徒五年何首枝借穀折銀五十兩應杖一百流二千五百里儲毓奇借穀折銀四十兩杖一百徒三年但應斗等事在

赦前應免罪柴應斗仍革去貢生所缺糧石著落周 等名下嚴追還倉該撫錯擬徒罪交與吏部承審各官仍行令該撫查題亦交吏部奉旨三法司核議具奏餘依議

倉穀私借窮民

康熙三十二年四月刑部覆江撫馬如龍審擬雲都縣另案革職知縣岳葱空缺倉穀一案除換穀補倉輕罪不議外岳葱恐倉穀霉爛未詳上司自將倉穀借與民人一萬七千八百餘石寔係窮民借欠等語岳葱合依凡監臨主守將官錢糧等物自轉借與人者計贓以監守自盜論四十兩斬係雜犯准徒五年至配所折責四十板可也奉

旨知道了借穀之窮民免罪



倉糧借給民人叅後全完民人免議本官照監守盜擬罪

康熙三十一年三月刑部會議覆直撫郭世隆疏稱康熙三十年正月內窮民欲借倉糧邯鄲縣革職知縣姚琚將存倉米豆九百七十四石七斗零及捐納米二千九百八十石四斗俱借給民人聞知盤查將康熙三十年地丁銀二千七百八十二兩八錢零買米墊補捐納之項叅後借米之民胡大義等將虧空銀兩及存倉米豆照數補項其缺少駙馬先因失贖未收後經臚壯署事新任各官陸續收足等因將姚琚擬以徒罪折贖具題前來姚琚除那用庫銀等項輕罪不議外查律內將官錢糧等物私自轉借與人者計贓以監守自盜論等語查姚琚因黎民窮乏一時權變將倉糧借給其借米民人俱照數補交還倉應將所借縣民俱免照所借擬罪姚琚照該撫所擬合依凡監臨主守將官錢糧等物私自轉借與人者計贓以監守自



盜論四十兩斬係雜犯准徒五年律徒五年係職官照例折贖不行  
稟阻之經承劉凱郝貞張永太合依不應重律各杖八十折責三十  
板均革役姚琚虧空庫銀倉糧該撫既稱知府石佳彛將那借銀米  
詳報應毋庸議奉

旨依議

私橐借人抵還庫項

康熙四十年十二月刑部覆晉撫噶禮題管平陽府事革職副使道  
王輔虧空庫銀於叅後呈通帳簿內開通判朱伙等借過銀三千三  
百八十兩零據朱价等係借王輔私橐銀兩王輔亦供將私橐借與  
等語查朱价等所借銀兩雖係王輔私橐但王輔虧空庫銀應於朱  
价等名下照數追取抵還王輔庫項奉

旨依議



將正項錢糧解補

康熙三十年五月刑部議禁撫吳 疏汚陽州革職知州熊綸部覆  
 以熊綸將餉糧解補目已降俸與因公那用不同又江南齡借支俸  
 工銀兩係支用錢糧非熊綸私借財物照求索借貸部內財物律擬  
 杖不符行令再加確擬將熊綸等改擬徒罪具題熊綸將餉銀四十  
 一兩三錢解補自已降俸江南齡私借錢糧九十四兩俱依監臨主  
 守將係官錢糧私自借用或轉借與人者並計贓以監守自盜論四  
 十兩斬係雜犯准徒五年律各徒五年江南齡已經別案擬徒五年  
 應免重科錯擬承審各官後經駁審改正毋庸議奉

百依議



擅動錢糧還債追債五

康熙三十六年四月戶部覆豫撫李 題洛陽縣病故知縣李天才  
擅動錢糧償還私債請將伊家人陳祥等所供債主劉鳳山等并引  
進之人行令各該地方官并各該府都統將債主押發過豫以便質  
審定案前來查債主劉鳳山等十一人俱係民人將籍貫住址開單  
行令該撫等並五城查明解送豫省其四三等俱係旗下行令各該  
都統查明解豫奉

旨依議

私借錢糧准徒不准折贖

康熙四十七年十月刑部會議得先據江督邵穆布疏稱新建縣革  
職知縣方峨虧空倉穀一萬三千三十八石緣康熙四十五年五月  
內借給窮民九千五百五十石霉爛二千四百五十石晒颺折耗一  
千三十餘石又虧空四十四年地丁銀二百八十兩五錢零今俱追  
完貯庫將方峨等擬以徒杖具題部駁據江督疏稱方峨委因四十  
四年五月內連旬久雨災民求借一時不忍借給里民並非自己侵  
蝕但領穀之民係窮民無力完補此項應與霉爛折耗穀石俱于方  
峨名下追補將方峨等仍照原擬等因具題前來方峨除那移錢糧  
輕罪不議外合依監臨主守將官錢糧私借與人者計贓以監守自  
盜論四十兩斬係雜犯准徒五年律不准折贖徒五年至配所杖一  
百折責四十板不行稟阻之經承蕭文拔等俱合依不應重律杖八



十各折實三十板仍革役霉爛折耗與私借里民穀石俱應于方峨  
名下照數追賠奉

言依議

發換官錢衙役借用比照常人盜

康熙三十九年三月刑部會議得棗強縣叅革病故知縣王允文虧  
空米穀一案據直撫 疏稱王允文虧空捐納穀一萬七千八百  
二石虧空捐納米三千三百三十八石八斗八升虧空捐賑米三十  
八石八升因王允文已故審據家屬張元韓三經承呂瑛快手劉沛  
供稱今年三月內糧價騰貴小民乏食至縣求糶倉糧允文遂糶穀  
四千七百五十二石三斗五升合銀二千三百七十六兩一錢零現  
在庫銀二千二百六十八兩二錢零其餘因所糶錢發出劉沛與各  
集易銀劉沛從中侵用錢一十三千六百五十文各集尚未交銀九  
十四兩二錢零可以追補還項又三四月內陰雨連綿倉廩滲漏米  
穀發蒸又有窮民乏食求借倉糧王允文挑選好者借給米二千八  
百五十二石八斗穀六千四百七十九石八斗現據里民段國祿等



認還又因倉厥滲漏用銀九百七十五兩八錢零并借給各役起解  
 錢糧人犯等項盤費銀三百九十五兩九錢零那耀穀二千七百四  
 十三石六斗內據允文之妻徐氏將衣服首飾變賣大制錢一百一  
 十五千五百九十文發出劉沛交與各集易銀補項尚未繳庫歷審  
 情真將呂珽等審擬杖罪具題前來除王允文病故不議外快手劉  
 沛將發換官錢私自借用應比照常人盜倉庫錢糧一十兩杖九十  
 律杖九十折責三十五板不行稟阻之經承呂珽合依不應重律杖  
 八十折責三十板均革役其私糶私借并認還那耀穀石與借給各  
 役盤費銀兩應令照數速追買補還倉再虧空浥爛米共五百二十  
 四石九斗六升范爛與那耀共穀五千五百四十八石七斗二升粟  
 應于王允文家屬張元等名下照數追補還倉可也奉

旨依議

俸工不解

康熙二十八年八月兵部議偏撫興 疏長沙衛裁缺守備胡德麟  
 俸工銀兩任催不解查胡德麟預支該扣俸工銀兩任催不解應比  
 照官役俸銀工食或不按季給發全給重支者降一級調用之例將  
 胡德麟降一級調用奉

旨依議



倉穀清完還職另補

康熙四十三年三月戶部議長寧縣知縣朱騰蛟據江督阿山疏該縣虧空倉穀一萬六千石未及三月百姓爭輸全完並無侵那情弊請復還原任其擅行放借事在

赦前應予援宥查定例侵那錢糧被叅者將本官議令解任選補或應還職者赴部另補等語應將長寧縣解任知縣朱騰蛟准其還職赴部另補奉

旨依議



賠銀免罪復職

康熙四十三年六月吏部議陝撫鄂海疏蒼梧道陳斌如應賠廣西藩庫銀一萬七千二百五十兩一案據陳斌如呈稱因黃明案內呈誤革職回籍接任官出有交盤清楚印結在案此項銀兩寔非陳斌如借欠虧空但教化新身故無從質對請照甘肅各官虧空錢糧一年全完復職之例情願變產全完免罪復職等語陳斌如係革職擬流之員原不符一年全完復職之例應否勒限六個月照數全完准予免罪復還品級如逾限不完即變產入官發遣等因查陳斌如因病故革職布政司教化新虧空銀兩案內有鹽課未完空批作完已經革職擬流應勒限六個月內照數賠完該撫題到之日准予免罪復還品級如逾限不完仍交刑部追變家產入官照例發遣奉

旨依議

那移出納

那移錢糧

康熙四十年十二月刑部看得吳江縣知縣李 虧空錢糧一案先據江撫宋學士題臣部以李 採買顏料等項從無令該縣賠補明係李 侵蝕以前為何將李 保題三年錢糧全完仍令該撫定擬將從前捏報三年錢糧全完及年終不行盤查官員題參再議去後今該撫疏稱李 虧空地丁銀一萬三千一百八十二兩因歷年解送顏料水腳諸項公務緊急遍那賠墊並無侵冒共減存五米未完七百四十七石四斗係經承周肇業失于晒揚致霉爛折耗知府盧 年終盤查係李 那補掩飾無從摘報等因李 合依那移銀五千兩以上不准折贖杖一百流三千里例係旂人解部枷號兩個月不准折贖鞭一百經承周肇業合依凡倉庫財物主守之人晒晾不

文三頁

卷七 倉庫

那移出納



以時致有損壞者計所損壞之物坐贓論罪止杖一百徒三年律徒三年不行稟阻之經承楊文昌等依不應重杖楊等在赦前均免罪革役未完銀米速追完報年終不行查盤之知府盧赦前免議奉旨依議

因公那用

康熙三十一年二月刑部看得故城縣革職知縣許國璠貪劣一案據直撫郭世隆審擬流杖具題前來查革職知縣許國璠因採買兵米價值盤費不敷派銀四十五兩貼用下剩五兩衙役傅二樓等分用又遞馬撥協置辦草料欵銀五十四兩交劉福等收受迎春備辦芒牛等項派錢二十七千餘錢二十二千衙役傅二樓等分用又賑施飢民有王斌等捐輸所剩柴米許國璠羅賣得銀二十八兩二錢動修衙舍歷審情真許國璠除米價不敷等項私派銀錢并失察衙役犯贓各輕罪不議外合依凡監臨主守那移出納還充官用者計贓准監守自盜論二十五兩杖一百流二千五百里係雜犯准徒四年律應徒四年查定例內凡官員先叅婪贓及加派入已革職提問者審無婪贓之處止擬那用錢糧私自加派公用科欵坐贓致罪者



除革職外其徒杖等罪折贖俱免等語許國璠已於此案革職應照例免罪衙役傅二樓劉進孝等各得銀一兩三兩不等俱合依枉法贓一兩至五兩杖八十無祿人減一等律各杖七十責二十五板呂陰等各得銀九錢六錢不等俱合依枉法贓一兩以下杖七十無祿人減一等律各杖六十折責二十板孫奇昌雖無得贓但不行稟阻應照不應重律杖八十折責三十板傅二樓等俱革役許國璠等贓銀俱照追入官未經交納王斌等所捐柴米應於許國璠名下照追備賑奉

旨依議

那移銀兩太多不准減等

康熙四十四年三月刑部議山陰革職知縣顧彰所完侵蝕銀兩希圖減等限內全完其餘銀兩以爲那移不行全完止完銀四十二兩九錢故意遲延希圖豁免令該撫照數追完去後今該撫疏稱顧彰續完銀四十一兩一錢米一百一十石八斗二升尚未完那用銀一萬九百五十七兩零米一千二百四十九石零但顧彰侵蝕銀兩于三個月內照數全完例應減等具題前來查顧彰侵蝕銀兩雖限內照數全完尚有那用銀兩俱係地丁正項錢糧理應全完追至一年有餘並未全完明係遲延月日作爲家產盡絕希圖豁免不便遽行減等應仍令該撫將未完銀兩勒限照數速完再議奉

旨依議



以錢納銀

康熙四十四年六月刑部看得息縣革職知縣鞠宸樞虧空康熙四十二年地丁銀二千四百九十三兩據河撫趙弘燮疏稱鞠宸樞委係息縣地處偏僻小民完賦之銀許以制錢交納易銀起解非修理城池等項動用錢糧者可比是以未經詳報及被叅摘印換銀未回署官盤查時鞠宸樞會以換銀未到情由相告署官因庫無實存不敢輕信遂報虧空後換到銀兩即照數完解委無侵盜情弊等因鞠宸樞依監臨主守不正收正支兩移出納還充官用者並計贓准監守自盜論罪止杖一百流三千里免刺律係雜犯總徒四年但已于大計革職應照律抗贖奉

旨依議



知縣查出隱糧按田催征支應公用

乾隆二年八月刑部會覆蔡革羅山縣知縣王夔龍違例私征一案據護河撫溫疏稱王夔龍緣李邦選等以重糧具稟令經承按冊細查遂查出隱糧之王經文等共八十戶卽究出經承鄉約嚴玉先等受賄欺隱情弊比時王夔龍卽應將賄隱情由詳明再征乃謂未及查清不敢遽詳且謂此等隱糧自不在

恩免之內竟征糧銀五十九兩六釐錢五十四千九百三十一文貯庫後因給發各役工食及備辦丁祭隨動支征收隱糧錢四千五百零兩將扣留應支銀四十五兩零同餘錢九千八百九十五文及原征銀一并存貯庫內並未入己至王夔龍征收隱糧其高誕一戶委因十月初八日完糧時因正糧串票用完未及發給亦無封印後追比征收情事審據各官供認無異除受賄之經承嚴玉先鄉約黃文遠



馮慶雲冊書袁大成俱經病故外查王夔龍失察衙役得贓舞弊旋經自行察出且事在

赦前應予免議其所征隱糧並不詳明私自征納應將王夔龍擬笞隱糧之李瑛等擬以柳責等因具題應如該撫所題王夔龍合依軍務錢糧應申上而不申上律笞四十隱戶李瑛等三十五名除以財行求及說事受贓輕罪不議外俱合依新墾增地隱十畝以上例柳號三個月責四十板又隱戶王經文等三十五名除以財行求輕罪不議外均合依隱地十畝以上杖一百折贖例杖一百折贖生員熊瑛合依隱地一畝以上例革去衣頂經承姚旭明冊書受彩均合依枉法贓一兩至五十兩杖八十無祿人減一等律杖七十係書吏加一等仍各杖八十鄉約石連碧許宗美程公常除過付輕罪不議外俱合依枉法贓一兩至五兩杖八十無祿人減一等律杖七十鄉約劉行

一合依枉法贓一兩以下杖七十無祿人減一等律杖六十不行稟阻之經承趙鈞合依不應重律杖八十李瑛等事在

赦前均應免罪柴青錢熊瑛仍革去生員姚旭明受彩趙鈞仍各革役各名下所得贓銀并高挺已許劉行一錢一千三百文尙未給錢六百元照追入官該撫既稱嚴王先黃文遠馮慶雲俱經病故所得贓錢照例免追無庸議等語應無庸議再該撫疏稱王夔龍所犯係公罪應否援例准其開復相應聲明聽候部議等語查定例官員被參革職發審原參重罪審虛該員尙有笞杖輕罪應行降罰者將原參革職之案准其開復按其所犯輕罪分別議處等語應將原任羅山縣知縣王夔龍原參革職之案照例准其開復擬以笞四十之處應于補官日罰俸六個月有紀錄五次應銷去紀錄一次免其罰俸再查律內事干埋沒錢糧罪雖



敕者須究問應追取者追取應改正者改正等語埋沒錢糧係  
赦所不原律載甚明應令該署撫將李英等所隱地畝查明隱匿年分按  
照應征科則數目先行分晰咨報戶部其已征在官者飭令解司克  
餉未征錢糧照數催追完納奉

旨依議

徵錢易銀并那買漕米及遭風沉沒俱不作侵那

康熙四十八年九月戶部會議得先經江撫郎 以南豐縣知縣李  
敬之虧空康熙四十五年地丁銀四千二百三十九兩零四十六年  
兵米折銀九千九百四十一兩零又倉穀五千二十四石零題叅解  
任臣部議覆行令該督嚴審追完具題去後續據該督邵 疏稱該  
縣虧空地丁銀四千二百三十九兩零因民間多以制錢輸納將錢  
換銀未回虧空兵米折銀九千九百四十一兩零因本年漕米徵納  
不完那銀四千四百兩其餘銀五千五百四十一兩零起解遭風沉  
沒缺少倉穀五千二十四石零因熱蒸致穀霉爛李敬之俱已限內  
照數補完照例題請還職等因臣部等衙門以李敬之所收制錢易  
銀那買漕米例應議處行令該督將那移之處查明具題再議去後  
今據該督疏稱李敬之在任徵收錢糧尾欠多從民便交納制錢運



出易銀起解又因南豐縣四十六年歉收小民辦漕維艱將已徵地  
丁銀兩買米運兌委係急公恤民沉沒銀兩及霉爛倉穀俱于限內  
照數全完仍照原任運判李國良等虧空庫銀審係那移限內全完  
准其復職之例題請開復等因前來查該督既稱李敬之動用錢糧  
委係急公恤民沉沒銀兩及霉爛倉穀已經照數全完收貯倉庫應  
將南豐縣知縣李敬之原參解任之案准其開復仍行令該撫將前  
項已完銀兩作速彙解戶部存倉穀石加謹收貯毋致霉爛可也奉

旨依議

代民墊解兵糈

康熙三十年九月戶部議江撫朱榮疏稱泰和縣知縣張尚善任內  
經征錢糧懸缺銀八千三百三十四兩零緣泰邑地方疲敝銀米輸  
納不前張尚善恐悞軍國急需遂借動前項銀兩代民墊買完解兵  
糈致地丁頂欸懸缺今審實現在民欠張尚善無侵蝕情弊且張尚  
善不待征比民欠已經變產照數賠補解司收庫援照正項錢糧以  
緊急軍需私自那用者賠完之日題請開復之例前來查張尚善任  
內懸缺銀兩既據該撫審明並無侵蝕情弊實係民欠銀兩已經照  
數賠完應無庸議已完銀兩作速彙行解部奉

旨依議



那移社穀抵完民欠

雍正八年 月刑部會議覆正陽縣知縣杜方震貪劣一案據督陝  
督查 將杜方震照那移出納律擬流總徒四年係五十兩以下照  
例折贖銀二十兩劉君度等擬杖李用經擬流收贖生員安宗顏擬  
杖收贖等因具題前來據此應如該署督所題杜方震除經理光農  
壇宇籍田已經改造如式并出示派幫差役各輕罪不議外其那移  
社倉穀石掩抵未完民欠合依倉庫錢糧不正收正支那移出納還  
充官用者計贓准監守自盜論罪止杖一百流三千里係碟犯總徒  
四年律應徒四年至配所杖一百折責四十板該署督疏稱係那移  
五十兩以下 應請照例折贖等語查例載那移千百兩者不准折贖  
等語應將該署督所請折贖之處無庸議其民欠未完穀五百三十  
六石九斗四升應令現任知縣勒限一年着落原欠之里民催征補



項如逾限不完仍着落杜方震家屬照數追賠長隨劉君度既經驅逐復行潛回開舖應與不行稟阻之經承郭永春郭永寧俱照不應重律杖八十折責三十板仍革役劉君度遞回原籍交與該地方官嚴行管束不許出境李用經偪首誣告杜方震私派里民夫千餘名每名日給工銀四分共銀四十兩查律載官吏因公科歛入己者以枉法論四十兩杖一百徒三年審係全虛李用經合依誣告徒罪加三等罪杖一百流三千里律擬流年逾七十照律收贖該署督既稱山陽縣私帮衙役工食僱人代充已飭令嚴行禁革應需衙役另行召募無許按戶輪充致滋民累等語應令該署督嚴飭該地方官張示曉諭即將僱役按戶輪充之處永行禁革再該署督疏稱扶同告狀之安宗顏姚克元均照不應重律杖八十安宗顏係生員悞聽傳言列名同控情有可原應請折贖姚克元折責發落等語查安宗顏既係生員並不安分守己乃敢捏詞告官明係把持衙門從中生事不應收贖應將安宗顏革去生員與姚克元均照不應重律杖八十折責三十板至杜方震那移社倉穀石雖有民欠可抵但該管上司任其那移並不覺察例應議處應令該署督查明補參可也奉旨依議



以平糶米那抵匠米

乾隆五年八月刑部會議覆海鹽縣知縣潘重庚貪劣乖張一案據  
浙撫盧 䟽稱原叅潘重庚買補倉穀每石發銀五錢交殷實胥役  
轉派里民一欸緣該縣應買補平糶等穀四千一百一十九石零潘  
重庚派令殷實胥役採買每石發銀五錢四分內除已派未領一千  
石外實在書役領買穀三千一百一十九石零並未轉派里民迨奉  
文停買時各書役已買交穀二千七百三十九石零餘應追還前價  
潘 管倉內幕糞其廩多收銀五十兩零尙有未繳之價新歲又收  
米抵穀其濫收米二石八斗零俱係糞其廩入已潘重庚失察之咎  
難辭又原叅潘重庚糞米平糶小民不霑實惠一欸緣潘重庚糞米  
一千石平糶每斗詳定制錢一百五十文僅糶米三百一十石零餘  
米六百八十九石零適有前署海鹽縣知縣王楠交下駁換霉黓匠



糧米石未經買補潘重庚即將平糶餘米那作正糧易換米石存庫價銀卽作平糶穀價解司歸欸餘銀一兩五分零作解費潘重庚並非私糶入已亦無多收錢文情事但將平糶正米那抵前任駁換匠糧使小民不霑實惠罪實難道又原叅潘重庚徵收錢糧任用銀匠包納一欸緣該縣里戶上糧銀色未足向係銀匠包傾潘重庚卽令各銀匠自用記號以清弊並非包納糧戶亦無多給惟零星小戶向例每正銀一分連耗收錢十文乾隆三年八月開徵後錢價日昂潘重庚並不詳減朦混徵收不恤民瘼已可槩見又原叅潘重庚收漕點收書黃金鳳等八人有管倉內幕龔姓說合以致書辦滿量斛面暗索使費該縣察知又每人各繳銀米一欸緣該縣收漕項內有額辦白糯米七百四十一石潘重庚分給收書黃金鳳張振安周繼宗周光斗蔡廷榮馮廷傑謝承華祖肇宗等採買因米貴難買各書卽將

原銀彙繳龔其鹿還庫並非各書點漕規禮又該縣奉撥兵糧潘重庚將南米借撥後漕米兌完各書將所收南米每版歸出二三十石清還前項並非察知浮收又向勒繳銀米至各書遇有鄉民小戶完漕每斛有浮收一二合與四五合不等並黃金鳳等歸併各版餘米每牌掃泥米六石龔其鹿令各書取回抵還賒借添補鋪墊倉版之用各書亦未暗索使費但潘重庚漫無覺察亦難辭咎又原叅潘重庚擅責生員楊南賢一欸緣楊南賢有戚沈俞氏與鄭松周訐訟俞氏以楊南賢作証鄭松周糾同朱濟川將楊南賢橫毆誣指楊南賢與俞氏之女馮沈氏通姦潘重庚將楊南賢審爲實姦責四十板致通學生員不平潘重庚擅責生員殊屬違例又原叅徐留觀捏報竊盜潘重庚任意刑夾一欸緣徐留觀年幼無知將租米花費恐伊母查問捏報失竊潘重庚疑爲後屋王公式店內梁近沈光昌等所



竊用刑嚇問訊無實據始行釋放亦難辭咎又原叅潘重庚嗜酒多事喚小旦陪飲一案緣嚴所帶糧船開行潘重庚到船祀神賞小旦顧文酒一盃是實雖非陪飲有玷官箴又原叅潘重庚縱容前叅革知縣王瀛彥在縣署頭門內寅賓館招搖聚飲一欵緣王瀛彥因叅項未清向居寅賓館內設有浴鍋潘重庚連次往彼洗澡訊無招搖亦無聚飲情事乾隆四年二月初七日潘重庚赴省王瀛彥之母聞有戲婆走索叫入頑耍潘重庚當晚省回卽差役驅逐並無縱容以上各欵已據各官犯供認不諱潘重庚將平糶米六百八十餘石任意那抵正項應照律擬徒審無婪贓情事已于本案革職照例徒杖納贖俱免龔其廩應照律擬徒收書黃金鳳等并鄭松周朱濟川徐留觀王瀛彥均應照律擬以杖枷仍分別收贖革役等因具題除潘重庚失察內幕犯贓漕書浮收斛面徵糧不照時價詳減錢文擅責

生員刑訊平民并龔其廩收漕餘米武作塾廩費用各輕罪不議外應如該撫所題潘重庚合依監臨主守不正收正支那移出納還充官用者計贓准監守自盜罪止杖一百流三千里律係雜犯總徒四年查審無婪贓入已照例納贖俱免龔其廩合依因公科斂人巳者計贓以枉法論律五十兩杖一百流二千五百里無諱人減一等杖一百徒三年仍照贓完日遞回原籍定驛發配捏報失竊之徐留觀任聽戲婆走索之王瀛彥照律納贖已革樂舞生鄭松周誣指楊南賢與馮沈氏通姦應照誣告姦罪加二等律枷號四十五日責四板已革監生朱濟川附和混供應照為從減一等律枷號四十日責三十五板該撫既稱收書黃金鳳除浮收斛面輕罪不議外既不將買穀浮價稟明又不將那移平糶米石稟阻合依不應重律杖八十革役張振安周繼宗周光斗蔡廷榮馮廷傑謝承華祖肇榮收漕浮



滿均合依多收斛面律應各杖六十俱革役仍追餘米入官等語均應如該撫所題完結再該撫疏稱生員楊南賢即楊霖訊係被誣應予給還衣頂等語亦應予開復奉

旨依議

虧空銀米

雍正八年 戶刑部等會議覆直督唐 疏稱新安縣革令林廷璧虧空銀米那移屬實照那移錢糧律擬徒四年虧空各項限內通完照律釋免稟阻不力之總吏劉燭照承順本官虧空例杖一百徒三年倉書辛兆照不應重律杖八十均革役等因具題應如所題林廷璧合依監臨主守不正收正支那移出納還充官用者計贓准監守自盜論罪止杖一百流三千里係雜犯總徒四年律徒四年但虧空銀米俱于叅後通完應照那移庫銀一年限內全完例免罪稟阻不力之總吏劉燭合依承順本官致成虧空如係那移數止千百兩本官照律總徒四年者總吏杖一百徒三年例徒三年至配所責四十板倉書辛兆合依不應重律杖八十折責三十板先行發落革役應毋庸議其已完銀米已據該督取有該縣庫收倉收送官在案應將



已完銀四百九十兩零提解司庫候文撥用已完米二百七十四石  
零穀三千二百七十八石零轉飭加謹收貯無致浥爛再該督疏稱  
林廷璧原叅虧空銀米俱于叅後通完與雍正二年奉

諭旨因因公那之項限內全完給咨本官隨本引

見之例相符再林廷璧因行劫賈震乾等案內盜犯倪六等三名越獄題  
叅奉

旨革職仍留地方與接任官協同緝捕如逃犯拏獲之後給咨隨本引

見今倪六等限內全獲已經審題在案林廷璧相應給咨隨本引  
見恭候

諭旨等語應將新安縣知縣林廷璧原叅之案准其查銷越獄革職之案  
亦經限內全獲例應請

旨開復俟

命下之日帶領引

見該督又稱此案虧空已據保定府查揭其銀米俱已全完無庸議令分

賠等語應無庸議奉

旨依議



虧空上司賠補

康熙四十一年六月刑部覆郁統石 咨稱山西平陽府榮河縣病  
故知縣遲維垣名下應追那移銀米因家產盡絕將遲維垣之妻氏  
子女等交與內務府入辛者庫奉

旨依議欽此查定例內一應錢糧米石如有虧空審明着落虧空官追取  
再有寔係家產盡絕不能完納者保題之日俱應均行着落年終以  
寔係現在申報保題之上司官員追完等語據此應將遲維垣未完  
銀米行令山西巡撫照例均行着落年終以寔係現在申報保題之  
上司賠補之處查明具題奉

旨依議



虧空上司免賠

康熙四十五年十一月刑部議江撫于準疏吳江縣革職知縣李淑楫未完虧空銀兩前任知府盧 卽於交代案內查出報參況事發在舊例以前等因查定例內凡一應錢糧米石虧空在三十九年定例以前而事發亦在三十九年定例以前者止着落虧空官員追完免其上司分賠等語今李淑楫虧空錢糧該撫既稱虧空事發俱在三十九年定例以前與免其上司分賠之例相符應如該撫所題免其分賠奉

旨依議

藩庫那移虧空參後全完免議

康熙四十九年十二月戶部議得湖北解任布政司王毓賢虧空藩庫銀七萬七千餘兩一案據湖督郭世隆審係王毓賢因收買小錢未奉部撥款項是以動用庫銀至康熙四十四年八月內始准部文令各官捐資收買是發銀在先奉文在後原發銀兩已經催繳還庫又天然與河工銀兩雖奉部文照例捐解因起解急迫是以將庫銀墊解後催各屬補還貯庫又借支兵餉因米價騰貴各營官兵出具印領借支迨後隨盤隨參今此項銀兩俱已交還司庫臣查王毓賢虧空前項銀兩因公墊用且于限內全完貯庫與參後限內全完之例相符等因具題查王毓賢虧空庫銀七萬七千餘兩今該督雖稱限內全完並無加派抵補情弊但事關錢糧重務應令該督將前項所完銀兩親身盤查取具接任藩司印結題報仍作速委官解部查



定例藩司虧空庫銀從無限內全完准其開復之例應將該督題請  
王毓賢開復之處無容議奉

旨依議

是侵是那院司各執一議

雍正十三年七月刑部議覆蔡革徐州府河務同知郭兆夢動用廳  
庫銀兩詳報互異一案據蘓撫高 疏稱該司等審將郭兆夢照那  
移錢糧例擬流准徒免罪開復庫書李藻擬杖收贖等因具詳招解  
當因情事支離駁飭確審茲據該司等覆審仍照原擬具詳經臣親  
審據郭兆夢供原那廳庫銀一千四百七十兩係倉修加倍賠料等  
費並非侵匿入已堅供不移但查此項銀兩先據郭兆夢詳報還項  
後復詳稱動用且稱加料轉運等費已經河臣稽 查明不合漕規  
不准開銷明係冒工侵欺入已雖據全數通完其為先侵後吐已無  
疑義郭兆夢應改照侵盜錢糧一千兩以上擬斬監候但所侵銀兩  
一年限內全完應照例減二等杖一百徒三年庫書李藻照例杖八  
十革役等因具題查錢糧關係重大該地方官或因公那移或侵盜



入已情事相懸擬罪各別今郭兆夢動用廳庫銀兩詳報互異據布按二司府縣審訊郭兆夢實係造冊舛錯並無先侵後吐情事照那移例定擬并以參後全完議請開復經該撫駁詰另審而承審各官仍以原擬具詳今該撫疏稱親審郭兆夢堅供那移不易又改照侵盜例定擬題請減等事屬兩岐如果該員侵盜是實該撫何得任其狡供且該司等固執原擬不將實情審出則其徇縱顯然自應照例題參若該司等所審那移是實則該撫亦不應自行改擬而將該司等所審置之不議今兩司府縣以那移定擬自爲一議既不遵撫駁改正該撫以侵蝕定擬自爲一議又不將該司等徇縱之處聲明附參其間是侵是那究無確實不便革率結案應令該撫會同江督再加研審務將該員侵那實情究出畫一定擬具題到日再議奉

旨依議

是侵是那情節未確引例不符

乾隆五年十月刑部議得連城縣叅革知縣陳疇九虧空銀穀一案據聞督德疏稱陳疇九徵收地丁等銀因聽從民便折收制錢發鋪易銀未繳其積穀遵例借欠在民未還致報虧空乾隆四年分地丁銀一千五百二十四兩八錢零耗羨銀六十三兩八錢三分零稅契八十兩三錢零寺租穀價銀三百二兩一錢零四年帶徵勻閏銀一十二兩一錢五分零又積穀二百四十一石當於參後交代十日內全數通完交補清楚研訊陳疇九及經承鄭國瑞等各供並非侵那將陳疇九照例題請開復現在丁憂候服闋聽該省給咨赴部引見并聲明虧空耗羨銀六十三兩八錢三分零抵作陳疇九應得養廉銀兩等因其題查該督疏稱雍正二年閏四月十二日欽奉

上諭州縣虧空錢糧因公那移之項依限全完定例准其開復嗣後督撫題



報全完卽給咨本官令其隨本引見欽此欽遵在案將陳疇九援照此例題請開復并聲明陳疇九現在丁憂俟服闋後聽本省給咨赴部等因但查此例係那移全完准其開復之條今陳疇九所叅銀兩短少之處審明係徵收錢文未經易銀歸款所叅穀石虧欠之處審明係出陳易新還項未清現有領紙在卷則陳疇九本非虧空錢糧之員今銀兩在庫米豆在倉亦非那移完項從前妄揭率叅之員豈得竟置不問而引那移完項開復之例草率完結一任無罪之員憑空革審以開將來挾讎誣陷種種弊端如使銀有錢抵米有領憑之處並非寔情亦無確據則陳疇九先侵後吐顯然其爲是侵是那尚未明白如果那移則雖與該督所引之條例符合然亦與該督所題之情節不符若係侵項則完贓僅能免罪豈容遽准開復應令該督研究確情具題到日再議奉

旨依議



那移銀兩未完不便遊請減等

康熙四十五年九月刑部議據江撫于準疏鎮江革職知府談允誠侵欺銀兩既已全完與免死充軍之例相符應照例減等具題前來查談允誠侵銀雖于三個月全完其那移銀兩未完銀一萬三千五百一十三兩零若將談允誠減等充軍則那移銀兩終無完納之期仍令該撫追完具題到日再議奉

旨知道了內談允誠那移銀兩尚未完結該撫何遽題請減等此項未完銀兩務作速追完



那移銀兩照甘肅例限年賠完

康熙四十六年六月刑部議邵陽縣革職知縣錢萬選先據陝撫鄂  
疏稱錢萬選除叅後解過銀六千七十兩尚虧空銀一萬九千八  
百六十兩錢萬選因康熙四十一年民欠地丁豆草共銀一萬二千  
五百兩將四十二年錢糧那用解交後奉

赦蠲免致那解之銀無項可底將四十三年地丁錢糧那解四十二年兵  
餉又收貯倉糧霉爛四千一百四十石那用銀四千一百四十兩照  
數買補再捐修文廟及設立義學等項共那用銀三千二百兩將錢  
萬選援照甘肅例具題臣部查錢萬選將四十一年錢糧於康熙四  
十二年帶征一年豈無分文完納至霉爛倉糧捐修文廟等項應  
設法修建賠補何得將存庫錢糧擅動修造應令該撫詳審定擬題  
覆在案今據該撫疏稱錢萬選將四十一年民欠錢糧四十二年帶



征原非全無完納但未完有紅簿可考霽爛倉穀恐知府查報暫那  
 庫銀買補修理 文廟等項因俸薪無幾以致那用庫銀實係因公  
 那用並非侵欺其虧空銀兩除泰後解過六千七十兩零今又續完  
 銀四千兩解貯司庫尚未完銀一萬五千八百六十兩仍照甘肅例  
 限一年補完擬杖具題前來查錢萬選虧空銀兩該撫既稱係因公  
 那用並非侵欺且泰後解過六千七十兩又續完四千兩等語應如  
 所題准照甘肅例勒限一年全完如違限不完將錢萬選從重治罪  
 不行稟阻之經承郭 等均應重責三十板革役該撫疏稱知府將  
 錢萬選虧空查出即行揭報查定例內知府年終盤查出結之後仍  
 不時盤察無論幾時察出立即報參免其治罪分賠等語據此相應  
 免議奉

旨依議

代賠故父虧空勒限三年

康熙五十七年四月戶部覆廣撫陳詵桂林府通判張允臨應賠補  
 故父張綬遠虧空銀兩不便照陸川令顧鵬海州府同知李秉衡等  
 之例分限六年追完應勒限三年追完解部如不完交與吏部照新  
 例議處奉

旨依議



解任幫父完餉

康熙四十四年八月吏部議江督阿山疏太平府通判陸維鏐因伊及現任廣東運使陸曾虧空益帑現奉叅追該員詳請自願離任赴伊父任所幫父清理俟完餉之日補用等因查得臣部將此在外官員並無題請准行解任復補之例但錢糧關係應如該督所題將陸維鏐解任前往伊父任所速完餉銀俟完餉之日復行補用奉

旨依議

代賠親伯廟空限十年

康熙五十四年十月戶部看得戶部主事董起弼呈稱伯父原任革職湖廣糧道董紹孔廟空案內因着起弼賠還三千兩但祖遺產業並無三千兩之數懇祈照良鄉縣彭其位之例限十年完納庶起弼得有生路而錢糧亦易完納等語查原任山西臨汾縣彭希孔應追銀兩着落伊侄彭其位限十年償完等因具題奉

旨依議行文在案今董起弼代賠銀兩應照十年之例將每年俸銀盡數扣交外再竭力照數全完等因前來應將董起弼所賠銀兩照例勒限十年內照數全完如不全完從重議處奉

旨依議



贓銀不便着落堂侄追比

康熙三十七年 月刑部准江撫朱 谷稱直隸任縣已故知縣施  
挺寶名下未完侵欺七千五十六兩零伊子施體晉病故將施挺寶  
未完銀兩着落堂侄施綸名下追取等因前來查律內侵欺在法追  
贓銀兩將的屬監追並無着落堂侄追賠之例今該撫不確查的屬  
着落堂侄施綸與例不符仍令該撫查明的屬着追可也

侵盜庫銀子孫不准捐官

康熙六十一年四月九卿等遵

旨奏稱此內簽掣得雲南永昌府知府缺之李宗渭係原任廣西蒼梧監  
遊李我郊之子李我郊現虧空庫銀被總督叅革至今尚欠未完近  
竟有管錢糧之官甘心侵盜庫銀為子孫捐官者若不懲治此輩到  
任不惟不能做好官且漸開小人僥倖之門應將現今掣補知府之  
李宗渭革去所捐之官以為侵盜庫銀為子孫捐官者戒奉

旨依議



錢糧擅貯私宅照侵欺擬罪旬日交完免

康熙四十二年六月刑部會議得保定府革職知府祖允熹虧空庫銀一案准直撫李光地疏稱祖允熹虧空銀共五千一百六十七兩一錢零內那墊兵餉等銀一千八百四十一兩二錢五分零已經各屬解補雖係因公所用難辭擅那之罪又前任知府借給各官銀一千二百一十八兩一錢四分零允熹俱經催還但先交代時前官並無未清項欵允熹已經出結詳明似難諉卸又扣收駐防鄂爾親銀四兩已經還項外尚應存庫銀二千一百三兩六錢零雖據允熹供稱貯入私宅以便不時需用等語但錢糧不貯官庫擅存私宅交代時又不卽行交出雖無那移難辭侵欺之咎被叅後將錢糧旬日全完其情理可原並無別例可引祖允熹除那移輕罪不議外祖允熹應照監守自盜錢糧三百兩以上例擬斬監候但被叅後將錢糧限



內全完應免死減等今遇熱審又減一等枷責應否從寬聽候部議  
等因具題查該撫因祖允燾將貯庫銀兩擅存私宅照侵欺擬罪減  
等應照該撫所擬議罪但祖允燾侵欺庫銀入已之處並無實據且  
旬日內即將錢糧交庫祖允燾又罪犯康熙四十二年三月十八日  
赦前應免罪不行稟阻之庫書李雲桂亦應免罪仍革役奉  
旨依議

征多解少查報遲延

康熙二十八年七月吏部議江撫宋犖疏宜春縣地丁錢糧征多解  
少袁州府查報遲延相應指叅宜春縣知縣王光烈應令該督撫將  
虧空民欠確數及是侵是那之處審明追補再議查報遲延袁州知  
府于嗣昌照例罰俸一年奉

旨依議



賣穀具題

康熙四十六年八月戶部議廣撫梁 疏稱存倉穀石均貯備荒但  
粵西地氣潮濕難免紅腐之虞今應以七分存倉三分出售所賣之  
銀解交府庫俟新穀登場還倉等因應如該撫所題將各州縣所存  
穀石七分存倉二分照時價糶賣所賣價值造冊送部查核俟秋收  
買補還倉取具該管官印結送部奉

旨依議



蠲免錢糧未奉 上諭之前已徵在庫不准扣抵

康熙五十四年五月戶部查得浙撫徐 以浙省康熙四十三年以

前蠲免舊欠錢糧案內原報

上諭以前完銀三萬八千四十四兩零奉駁不准扣抵并應蠲舊欠銀一  
十四萬四千八十六兩四錢零查明保題等因查

諭前完過銀兩欽遵

上諭扣抵里民四十五年未完錢糧若追扣抵之官原係欽遵

上諭扣抵並非侵蝕入已無可追解若追之於民而每年錢糧已奉

恩蠲又不敢違

旨混徵至於原報未完各年民欠錢糧數內並無已完作欠情弊相應一  
并保題豁免等因造冊取結會題前來查康熙四十三年以前舊欠  
錢糧內奉



上諭以後部文未到之先征完銀二萬八千四百三十一兩零臣部已經議覆准其扣抵未完現年錢糧未奉

上諭以前已完銀三萬八千四十四兩零從無扣抵未完錢糧之例節次具題行令該撫嚴追報部在案今該撫等離解

諭前完過銀兩欽奉

上諭扣抵並非侵蝕入已無可追解等語但此項銀兩係不應扣抵之項從前催征各官混行扣抵殊屬不合相應仍令該督撫着落從前違例扣抵各官追完具題其未完民欠銀一十四萬四千八十六兩四錢零該督撫既經查明並非已完作欠取具印結保題相應照數蠲免如有混行蠲免情弊或被旁人首告或被科道糾參將出結并保題各官嚴加議處可也奉

旨依議

